

402

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-01328/21
Sarajevo, Juli 08.2021.godine

OPĆINA ILIDŽA
OPĆINSKO VIJEĆE
(Na pažnju sekretara Azrete Grebović)

PREDMET: *Odgovor na pitanje vijećnice Anide Skenderagić, dostavlja se;*

VEZA: Vaš akt broj: 01-02-75/21-15.38 od 26.02.2021.godine

Vašim aktom broj i datum veze, zaprimljen dana 05.03.2021.godine, dostavili ste Kantonalnoj upravi za inspekcijske poslove Kantona Sarajevo pitanje vijećnice Anide Skenderagić, postavljeno na 1. redovnoj sjednici Općinskog vijeća Ilidža održanoj dana 18.02.2021.godine, a koje glasi:

"Molim Vas za informaciju da li kotlovnica na pelet izgrađena na prostoru podzemne garaže u ul. Džemala Bijedića na broju 289 i naselju Stup posjeduje odgovarajuću urbanističku dozvolu, građevinsku dozvolu i upotrebnu dozvolu, kao i da li je izdato rješenje o zabrani rada kotlovnice?"

Obrazloženje : Obzirom na nedavni požar koji se dogodio u podzemnoj garaži zgrade u ul. Džemala Bijedića na broju 289 u naselju Stup i obzirom na Rješenje broj: 03-40-4 od 05.08.2020.godine, koje je izdala Inspekcija zaštite od požara MUP-a Kantona Sarajevo molim Vas za detaljne informacije i da li je navedeni propust bio uzrok požara koji se dogodio."

U odnosu na navedeno pitanje vijećnice, dajemo slijedeći

web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb



ofp
12-07-2021 xD

ODGOVOR

Shodno članu 147. stav 1. Zakona o prostornom uređenju Kantona Sarajevo ("Službene novine Kantona Sarajevo", br. 24/17, 01/18) utvrđeno je da traženi inspeksijski nadzor nije u nadležnosti kantonalne urbanističko-građevinske inspekcije, te cijeneći navode podneska pokrenut je postupak inspeksijskog nadzora nad radom općinske urbanističko-građevinske inspekcije shodno odredbama člana 147. stav 1. tačka f) Zakona o prostornom uređenju Kantona Sarajevo ("Službene novine Kantona Sarajevo" br.24/17, 01/18) i zatražena je dostava informacije o provedenom postupku, utvrđenom stanju i poduzetim mjerama vezano za kotlovnicu u podzemnoj garaži u ul. Džemala Bijedića br.289, naselje Bulevar.

Kako u traženom roku općinska urbanističko-građevinska inspekcija nije dostavila informaciju, kantonalna urbanističko-građevinska inspekcija, uvažavajući da služba radi u smanjenom kapacitetu prouzrokovanim epidemiološkom situacijom, uputila je Urgenciju broj: UP-1-14-06-19.1-02550/21 od 09.04.2021.godine. Dana 20.04.2021.godine, urbanističko-građevinska inspekcija Općine Ilidža dostavila je Informaciju broj: 15-19-SL-45/21 od 19.04.2021.godine i Dopunu informacije broj: 15-19-1544/21 od 26.04.2021.godine.

Uvidom u predmetne informacije utvrđeno je da nisu dostavljeni traženi podaci, te je dana 10.06.2021.godine zakazan inspeksijski nadzor nad radom urbanističko-građevinske inspekcije Općine Ilidža na osnovu naloga broj UP-1-14-06-19.1-06280/21 od 08.06.2021.godine, a ujedno zbog složenosti postupka inspeksijskog nadzora, izvršena je kontrola na licu mjesta na predmetnom lokalitetu.

Tom prilikom općinski urbanističko-građevinski inspektor je sačinio zapisnik broj: 15-19-1544/21 od 10.06.2021.godine u prisustvu Eldina Smajića, odgovornog lica ispred investitora. Postupajući po uputama kantonalne urbanističko-građevinske inspekcije, općinska urbanističko-građevinska inspekcija nastavila je aktivnosti inspeksijskog nadzora na tražene okolnosti, te nakon utvrđenog činjeničnog stanja ovom organu dostavila je Informaciju broj:15-19-1544/21 od 15.06.2021.godine u kojoj stoji:

1. Kotlovnica na pelet je smještena u suterenskoj etaži -1, u objektu A5, posjeduje odobrenje za građenje u sklopu odobrenja za objekat A5, kao i upotrebnu dozvolu broj: 03-19-831/20 od 08.04.2020.godine. Kotlovnica na pelet stavljena van funkcije i ne koristi se.

2. Vezano za postavljeno pitanje vijećnice, da li je požar u suterenskoj etaži kolektivne garaže objekta A1, A2, A3, koji se desio 21.01.2021.godine, uzrokovan neispravnim postrojenjem i instalacijama, ustanovljeno je da je uzrok požara namjerno izazvan paljenjem automobila, za šta je sačinjen poseban zapisnik na uviđaju od strane MUP KS i nema veze sa kotlovnicom na pelet i njenim radom.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

3. Sastavljenim zapisnikom sa predstavnikom investitora "Bulevar" d.o.o. Kiseljak dana 10.06.2021.godine g-dinom Eldinom Smajićem konstatovano je da su kotlovnica na pelet i kotlovnica na gas izvedeni u skladu sa ovjerenom projektnom dokumentacijom, za koje je dobijena upotrebna dozvola.

4. Prema navodima predstavnika investitora, izgrađeni stambeno-poslovni objekti kompleksa "Bulevar" zagrijavaju se putem kotlovnice na gas, koja se nalazi u sklopu objekta A5, koja se nalazi iznad devete etaže.

5. Izvršenim tehničkim prijemom objekata A3-A6, te dobijenim rješenjem o upotrebi za lamelu A5 broj: 03-19-831/20 od 08.04.2020.godine i lamelu A6 broj: 03-19832/20 od 08.04.2021.godine i dopunskim rješenjem za gasnu kotlovnicu broj: 03-195863/20 od 11.11.2021.godine, konstatovano je da je dana 28.10.2020.godine izvršen tehnički prijem kotlovnice na gas.

6. Predočenim glavnim projektom mašinskih instalacija i izvještajem članova komisije za elektroinstalacije, mašinske instalacije i zaštite od požara konstatovano je da se postrojenje kotlovnice na gas može koristiti.

Shodno svemu naprijed navedenom urbanističko-građevinska inspekcija Općine Ilidža u okviru nadležnosti i ovlaštenja nastavlja voditi postupak inspeksijskog nadzora nad izgradnjom i korištenjem građevina i drugih zahvata u prostoru za koje je odobrenje za građenje donijela nadležna općinska služba.

S poštovanjem,

Akt sačinila: Dženita Husić



DIREKTOR


Adis Mešić

Dostavlja se:

1. Predsjedavajući Općinskog vijeća Općine Ilidža
2. Sekretar Općinskog vijeća Općine Ilidža
3. a/a



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

